



Bosna i Hercegovina
Federacija Bosne i Hercegovine
Kanton Sarajevo - Grad Sarajevo
OPĆINA CENTAR SARAJEVO
Općinski načelnik

Drage učenice i učenici,

veoma sam sretan što u ime Općine Centar mogu da vam čestitam na završetku još jedne školske godine i rezultatima koje ste postigli. Posebnu čestitku upućujem maturantima koji upisom u srednju školu otvaraju novo, možda i najvažnije poglavlje u svojim životima.

Pokazali ste da ste predano i marljivo učili, trudili se da budete najbolji, pokušali i uspjeli ostvariti vrhunske rezultate i na taj način učinili ponosnim vaše roditelje, učitelje, nastavnike i direktore, ali i nas u Općini Centar koji smo vas podržali na tom putu. Dokazali ste da se možete ravnopravno takmičiti u znanju sa vašim vršnjacima, ne samo iz naše zemlje, već i na međunarodnom nivou.

Upućujem čestitke i svim učenicima koji su uspješno završili školsku godinu, a koji iz opravdanih razloga u ovom trenutku nisu ostvarili najbolje rezultate.

Čestitam vam i na efikasnoj primjeni online nastavnog procesa i kvalitetnom savladavanju gradiva u teškim vremenima, ne samo za Bosnu i Hercegovinu, već cijeli svijet, a koje je uzrokovao COVID-19.

Nadam se da ćete ljetni raspust iskoristiti kako bi se odmorili i spremili za nove životne izazove. Vjerujem da će vas uspjeh ostvaren u ovoj školskoj godini motivirati da u budućnosti budete još bolji i uspješniji u sticanju novih znanja i vještina.

Općina Centar će, kao i do sada, znati prepoznati vaš trud i podržati vas stipendijama i drugim nagradama za vrhunske rezultate.

Posebnu čestitku upućujem vašim roditeljima, koji vas nesebičnim trudom i odricanjem izvode na pravi put, a ne smijemo zaboraviti ni učitelje, nastavnike i profesore uz koje naša djeca odrastaju u ljude novog vremena. Želim da vi, naša djeca, ostanete u jedinoj nam domovini i uradite sve ono što smo mi propustili. Vi ste budućnost Bosne i Hercegovine i naša glavna uzdanica. Želim vam mnogo sreće i uspjeha u daljnjem školovanju i životnom putu.

Općinski načelnik

Prof.dr. Nedžad Ajnadžić